

文淵樓叢書

選學膠言

第九冊

選學膠言目錄

卷十九

頌無韻

寒哀

庭燎爲士

籛鐘

王子淵祀金馬碧雞

鬼方

漢高祖功臣

蕭相國封邑在鄧不在

鄜

留侯之留在沛縣非陳

畱

韓王信之信音新

駿民當作俊民

京索

紀信無後

漢高祖後母

東方畫贊碑

厭次

涅而不緇互異

袁渙之名當作渙

荀攸不如荀彧

世語近誣

都長

封禪之謬

相如未嘗制封禪禮

昭夏

成王非襁褓

導官

獲鼎放龜

翠黃

徧之二字誤

劇秦美新是後人誣筆

諸吏

甘露醴泉非一物

元聖

農瑱

曹爽無謀反事

長沙王非敗死

皇后稱紀

坐論

紫綬

雲臺無來君叔

奄人亦近女色

曾孫上尊校字

選學膠言卷十九

錢唐張雲璈仲雅述

頌

頌無韻

王子淵聖主得賢臣頌

汪韓門先生詩學纂聞云頌者詩之一體而王子淵聖主得賢臣頌韓文公伯夷頌皆不用韻因思周頌之文多有求其韻而不得者後儒強爲叶之恐是本無韻也雲璈按此義古人未曾言及顧氏日知錄雖謂詩有無韻之句亦但指一句非謂全篇且不專指頌也

寒哀

韓哀附輿按韓哀亦作寒哀見呂覽勿躬篇蓋韓與

寒通

曹子建名都篇注寒韓古通

寒泥漢書人表作韓泥游俠傳

寒孺史記作韓孺

庭燎爲士

齊桓設庭燎之禮注引韓詩外傳曰齊桓公設庭燎

爲士之欲造見者雲璈按今本外傳作爲使人

或作使人

欲造見者據下文暮年而士不至之語當以選注爲

長又云臣不以九九足以見也此九字外傳無之趙

氏亦有生齋校本據此注以補外傳又按漢書梅福

傳齊桓之世有以九九見者桓公不逆欲以致大也
注九九算術困學紀聞云劉徽九章算經序云包犧
氏始畫八卦作九九之術以合六爻之變黃帝建歷
紀協律呂隸首作數周公制禮有九數九數之流則
九章是也

簫鐘

伯牙操簫鐘注晉灼曰簫音迭遞之遞二十四鐘各
有節奏擊之不常故曰遞瓚以爲楚辭曰奏伯牙之
號鐘馬融長笛賦號鐘琴名謂伯牙以善鼓琴不說
能擊鐘也且漢書多假借或以簫爲號不得便以迭

遞判其音也雲璈按注意卽以簾鐘爲號鐘通雅云
簾鐘卽編鐘也隋盧賁曰周武克殷得鶉火天駟之
應其音用七漢加應鐘故十六枚而在一簾鄭康成
注周禮以二八爲十六簾諸儒泥八音加倍非也智
按十二律正倍合二十四聲後以不能盡用存十二
律加四清聲合爲十六今宮譜北曲亦十六調可證
也編磬亦如之按方說全與注異

王子淵祀金馬碧雞

是以聖主不偏窺望而視已明至末一段班史言時
上頗好神仙故裒對及之可謂得託諷之意矣然後

來方士言益州有金馬碧雞之寶宣帝使褒往祀於道病卒初不聞有所進諫其與作頌之旨又何戾也

鬼方 揚子雲趙充國頌

鬼方賓服李氏引世本注云鬼方於漢則先零戎是也解鬼方爲西羌似在今涼州惠氏定字云商之鬼方周荆楚之地商頌殷武卽伐鬼方詩也雲璈按大戴禮帝繫篇云陸終氏娶於鬼方氏史記楚世家陸終氏生子六人六曰季連芊姓楚爲芊姓之後則鬼方自當在荆楚之地李氏以頌爲充國擊西羌故引世本以先零當之不知頌乃借以爲喻如下文有方

有虎亦以贊充國耳似不得以鬼方卽先零也

漢高祖功臣

陸士衡漢高祖功臣頌

頌列功臣三十一人一蕭何二曹參三張良四陳平
五韓信六彭越七黥布八張耳九韓王信十盧綰十
一吳芮十二劉賈十三王陵十四周勃十五樊噲十
六酈商十七夏侯嬰十八灌嬰十九傅寬二十靳歙
二十一酈食其二十二劉敬二十三陸賈二十四叔
孫通二十五魏無知二十六隨何二十七董公二十
八轅生二十九紀信三十周苛三十一侯公攷在史
漢功臣表中者止蕭何曹參張良陳平韓信王陵周

勃樊噲酈商夏侯嬰灌嬰傅寬靳歙十三人而已以
表所載皆侯凡封而除與不及封者皆不在其列但
旣以功臣爲表則凡有定天下之功者皆當彙而載
之使開卷瞭如不當但限以侯籍并初封之年如盧
綰雖燕王而其初封長安侯表以功臣之定在高帝
六年綰已先一年爲王故不載入然新城三老董公
史記正義引楚漢春秋云董公八十二遂封成侯新
唐書宰相世系表京兆王
氏下云魏無知封高梁侯而表
皆無之劉敬傳爲建信侯水經注五云建信縣漢高
帝七年封婁敬爲侯國應劭曰臨濟縣西北五十里

有建信城此在六年以後今表亦不載何也且建元
侯表有周子南君以此例之則如廣野稷嗣平國俱
可載入而表亦闕如則其體例亦未盡畫一矣至功
臣甚多而高祖僅作十八位次亦不知何所取義日錄云高祖功臣十八侯位次一蕭何二曹參三張敖四周勃五樊噲六酈商七奚涓八夏侯嬰九灌嬰十傳寬十一靳歙十二王陵十三陳武十四王吸十五薛歐十六周昌十七丁復十八蟲達當時所上者戰功張良陳平皆居中計謀之臣史記載高祖功臣一
故平列四十七良列六十二

百三十七人兼外戚王子凡百四十三人漢書載高
祖功臣一百四十七人兼外戚王子凡百五十三人
今士衡所頌止三十一蓋取其事蹟彰著其他固不

及具錄然有樅公者與周苛同守滎陽同爲項王所殺乃頌周而不及樅亦未爲允當也

蕭相國封邑在鄼不在鄜

相國鄼文終侯沛蕭何通雅云蕭何南陽之鄼在今襄陽之光化此何封邑也沛縣之鄼本作鄜音嗟今亦不在沛縣在歸德府考城縣之鄉間尙有鄼城橋古今分畫境界學者一時未攷宜其隨聲聽譌耳嘗論之曰漢地志載南陽鄼縣侯國不言沛之鄜爲侯國非明驗乎沛鄜之爲鄼誤於班固之碑王莽之改水經注之引班固泗水碑云文昌四友漢有蕭何序

功第一就封于鄧合溪曰孟堅必知封地則南陽之
鄧有嗟音予直謂古時韻粗班氏亂叶耳江統徂淮
賦言何封于沛矣水經注渙水逕鄧縣故城南襄十
年公會諸侯及齊世子光於鄆王莽之贊治矣朱謀
瑋云鄆字誤三傳皆作會于祖古文祖通鄆應劭曰
作嗟漢地志沛郡鄆縣注本作鄆王莽曰贊治故遂
以鄆爲鄆古人讀書已浮何怪今人耶又沔水通鄆
縣謂之鄆頭高帝五年封蕭何薛瓚曰今南鄉鄆頭
茂陵書曰在南陽王莽更名南庾沔水又過筑陽東
師古曰南陽蕭何封邑音贊本春秋陰國唐爲襄州

陰城縣有蕭何廟何薨高后封夫人同爲鄼侯小子
延陽侯文帝罷同封封延元時爲光化軍今則爲縣
屬襄陽府鄼字本義百家爲鄼音贊寒韻存此則聲
轉而廣韻收之歌韻有鄼注曰封邑則謬矣升庵弱
侯定以沛鄼爲何封邑而云師古無據者大謬也一
統志載永城縣有鄼侯城爲何食邑以譌傳譌亦猶
承天府之陽春亭以宋玉生此郢州耳揔之漢志分
侯國延爲筑陽侯二證最確而班固之韻乃古通轉
之口齒猶攢之從贊難之讀那也恕先云江淮以韓
爲何京山云間介之轉爲个此可推矣雲璈按南陽

沛地不同聚訟者紛紛揔以古借鄼爲酈二字音韻
淆混致有諸家之議攷周禮天官酒正盞齊注如今
鄼白矣疏漢時蕭何所封南陽地名鄼音義云鄼白
卽今醴酒也宜作醴作鄼假借也是以南陽之鄼音
爲嗟矣襄元年左傳鄭子然侵宋取犬丘注譙國鄼
縣東北有犬丘城音義鄼才何反又子旦反師古旣
辨南陽之鄼音贊而于蕭何傳又言鄼字別有酈音
沛之酈史漢皆作鄼明其音同也班固泗水亭碑以
蕭何相國所封與何同韻於義無爽又地理志南陽
鄼音贊而沛郡鄼注此縣本爲酈中古以來借鄼字

爲之耳讀爲鄜而莽呼爲贊治則此縣亦有贊音是以鄮鄜爲兼得兩音矣如此岐說後人那得不誤故唐人楊巨源詩云麒麟閣上識鄮侯賈島詩往歲鄮侯鎮皆以鄮爲鄜究之蕭相國之封南陽鄮而非鄜史漢具在實無可疑方氏之辨是也

畱侯之畱在沛縣非陳畱

太子少傅畱文成侯韓張良通雅云張良封畱侯畱在徐州沛縣之畱城鎮有畱侯廟存焉或以陳畱爲子房封處廟貌巍然誤也王洙曰宋武北征過陳畱下教修復其失久矣按傅亮爲劉裕修張良廟教曰